

Bicara kes saman Mujahid berhubung isu Sajat bertelekung bermula 12 Julai

Bernama

Januari 22, 2021 17:24 MYT



Ahli Parlimen Parit Buntar itu mendakwa kenyataan fitnah itu telah menjatuhkan maruah, kredibiliti serta reputasinya selaku menteri yang menjaga hal ehwal agama di Jabatan Perdana Menteri. - Gambar fail

KUALA LUMPUR: Perbicaraan kes saman fitnah Datuk Seri Dr Mujahid Yusof terhadap Harakah membabitkan isu usahawan kosmetik Muhammad Sajjad Kamaruzzaman, atau lebih dikenali sebagai Sajat, yang didakwa memakai telekung dan berpakaian seperti wanita sewaktu menunaikan umrah, akan bermula Julai depan.

Peguam Noorazmir Zakaria, yang mewakili Mujahid, ketika dihubungi Bernama berkata Pesuruhjaya Kehakiman Mahkamah Tinggi Quay Chew Soon menetapkan 12 dan 13 Julai untuk perbicaraan kes itu ketika prosiding berlangsung menerusi sistem dalam talian e-Review hari ini.

Berita Berkaitan

Lagi



124 individu dipercayai terlibat kongsi gelap ditahan ketika sambutan hari jadi



Johor mohon pelaksanaan VTL darat seiring VTL udara




Wanita terlibat kegiatan pecah rumah, kenderaan ditahan



27 kru warga asing terselamat dalam insiden bot karam di Pulau Pisang



AWANI Pagi: KLFW 2021 Kini Kembali! I 11 Nov 2021



Berita Terkini

Lagi



Kontraktor ladang sawit rugi RM99,855 ditipu tawaran kerja



124 individu dipercayai terlibat kongsi gelap ditahan ketika sambutan hari jadi

Bekas menteri di Jabatan Perdana Menteri itu, yang memfailkan saman pada 12 Ogos tahun lepas, menamakan wartawan Harakah Aziz Muda, Ketua Pengarang Harakah Wan Nordin Wan Yaacob, penerbit laman sesawang harakahdaily serta akhbar Harakah iaitu Galeri Media Serbanika Sdn Bhd dan pencetak akhbar itu, Percetakan Turbo (M) Sdn Bhd sebagai defendan.

Penyataan tuntutan Mujahid mendakwa pada 7 Feb tahun lepas, Aziz, Wan Nordin dan Galeri Media telah menulis dan menerbitkan kenyataan memfitnah terhadapnya di laman sesawang harakahdaily menerusi artikel bertajuk 'Sajat: Mujahid dan K'jaan PH patut dipersalahkan' serta menerbitkan satu lagi kenyataan yang memfitnah beliau dalam akhbar Harakah bertarikh 10 hingga 13 Feb menerusi artikel 'Keterlanjuran Sajat kesilapan Mujahid dan kerajaan PH'.

Mujahid selaku plaintif mendakwa kata-kata fitnah itu antara lain membawa maksud bahawa beliau seorang yang tidak bertanggungjawab apabila membenarkan masyarakat, khususnya yang beragama Islam, terlibat dalam aktiviti 'Lesbian Gay Bisexual Transexual (LGBT)' selain didakwa menjadi punca kepada tindakan Sajat memakai telekung serta berpakaian seperti wanita sewaktu menunaikan umrah.

Ahli Parlimen Parit Buntar itu juga mendakwa kenyataan fitnah itu telah menjatuhkan maruah, kredibiliti serta reputasinya selaku menteri yang menjaga hal ehwal agama di Jabatan Perdana Menteri dan akibat daripada penyebaran kata-kata fitnah tersebut, beliau mengalami tekanan serta berasa malu untuk berhadapan dengan masyarakat.

Sementara itu, kesemua defendan menerusi pernyataan pembelaan difailkan pada 28 Sept tahun lepas berkata Mujahid seharusnya berani bertanggungjawab berhubung kenyataan yang dikeluarkan beliau dan sepatutnya tidak tersinggung dengan kritikan yang dilontarkan masyarakat terutama pengamal media berhubung isu tersebut.

-- BERNAMA

#Muhammad Sajjad Kamaruzzaman #Mujahid Yusof
#saman #fitnah #Sajat #Harakah



MALAYSIA

Johor mohon pelaksanaan VTL darat seiring VTL udara



SUKAN

Kontrak: FAM, Maloney belum bincang



MALAYSIA

Wanita terlibat kegiatan pecah rumah, kenderaan ditahan

Dapatkan berita terkini melalui emel anda



Emel Anda

DAFTAR